

464	P arzival hin zim dô sprach: »hêrre, ich wæne, daz ie geschach. von wem was der man erborn, von dem sîn ane hât verlorn	hin <i>om.</i> * <i>T L</i> man geborn, * <i>G *T</i>
5	den magetuom, als ir mir sagt? daz moht ir gerne hân verdagt.« Der wirt sprach aber wider zim: »von dem zwîvel ich iuch nim. sagich niht wâr die wârheit,	s. iu n. die w., * <i>T (I O L)</i>
10	sô lât iu sîn mîn triegen leit. diu erde Adames muoter was; von erden vruht Adam genas. dannoeh was diu erde ein magt. noch hân ich iu niht gesagt,	n. gar gesaget, * <i>G (nur GI)</i>
15	wer ir den magetuom benam. Kaines vater was Adam; er sluoc Abeln umbe krankez guot. dô ûf die reinen erden daz bluot viel, ir magetuom was vervaren;	der sl. * <i>G *T</i>
20	den nam ir Adames baren. dô huop sich êrst der menschen nît; alsô wert er immer sît. in der werlt doch niht sô reines ist sô diu magt âne valschen list.	ê. des m. * <i>T (I O L)</i> ↓* <i>G *T</i>
25	nû prûevet, wie reine die meide sint; got was selbe der meide kint. von meiden sint zwei mensche komen. Got selbe antlütze hât genomen nâch der êrsten meide vruht;	selbe was * <i>T</i>
30	daz was sîner hôhen art ein zuht.	

***D**: D ***m**: m ***G**: G I O L Z Fr18 (464.17–30) Fr22 (464.23–30) ***T**: T V

1 Initiale D G I O L Z **7** Majuskel D T **11** Initiale L · Majuskel T **15** Initiale I **28** Majuskel D

2 ie| nie ([*]: nie V) **m* (V) **7** sprach aber wider| sprach aber (do aber sprach I) **m* (I) **9** sage †† iu niht die wârheit, **m* **10** triegen| kriegen **m* **13** ein| *om.* **m* **23** in der werlt noch niht sô reines (nih rainers I) ist **G* (*nur G*) · in der werlte doch sô reines niht ist (so [rein*]: reines niht enist V) **T*